



Inatsisartunut ilaasortaq Peter Olsen, Inuit Ataqtigiit

E-mailikkut nassiunneqarpoq uunga: inatsiartut@inatsisartut.gl

02-03-2018
Suliap nr. 2018 - 4967

**Pisortatigoortumik ullorsiorfiusut pillugit § 37 naapertorlugu apeqqummut
nr. 006_2018-imut akissut**

Inatsisartut Suleriaasianni § 37 naapertorlugu apeqquaqarputit, matumuunalu
akissuteqarfigissavakka.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

**1) Pisortatigoortumik ullorsiorfiusut sulinngiffiusinnaasartullu sulisitsisunit
kikkunnit malinneqartussaataappat? Inuillu sulinngiffeqarnissartik qanoq
qulakkeerniarsinnaavaat? Pisortani namminersortuniluunniit suligunik.**

Akissut:

Sulisitsisut nalinginnaasumik pisortatigoortumik ullorsiorfiusut
sulinngiffeqarfutissinnaavaat. Taamaattoq oqaatigineqassaaq, sulisitsisut ilai
upalungaarsimanissamut pisussaaffeqarsinnaammata. Tamanna pingaartumik
pisortanut atuuppoq, ilanngullugu pingaartumik peqqinnissaqarfimmut,
isumaginninnermi upalungaarsimanermut, politiinut, qatserisartunut aamma
mittarfinnut tunngatillugu. Taamatuttaaq pisortatigoortumik ullorsiorfiusuni
sulisut tamakkerlutik sulinngiffeqartinnissaat, namminersortut ilaanni
naleqquttanngilaq.

Kalaallit Nunaanni ileqquusumik suliffeqarnermi illuatungeriit,
nalinginnaasumik sulinngiffeqarfissat saniatigut, piffissaq suliffiusartussaq
aamma sulinngiffeqarfissat isumaqatiginninniutigalugit aqqiiffigisarpaat.
Taamaalilluni innuttaasut ataasiakkaat imaluunniit kattuffiup
isumaqatiginninniarsinnaatitaasup sulinngiffeqarfiusussat
isumaqatigiissuteqarfiginissaat akisussaaffigaat.

2) Pisortatigoortumik ullorsiorfiusuni sulinnigiffeqartoqartillugu Namminersorlutik oqartussanut, kommuninullu ulloq ilivitsaq, ullorluunniit affaq qanoq aningaasatigut naleqartarpa?

Akissut:

Namminersorlutik Oqartussat sulisitsisutut, sulisut ullumikkut pisinnaatitaaffigisaasa saniatigut, sulisutik ulloq tamaat imaluunniit ullup affaa sulinnigiffeqartinniarlugit aalajangerpata, sulisut aningaasarsiaqarlutik sulinnigiffeqarnissamut pisinnaatitaasimappata, tamanna immikkut aningaasartuuteqarfiususaa voq. Tamatuma saniatigut pisortat soorunami ulloq tamaat imaluunniit ullup affaa suliffissanik annaasaqassapput.

Tamatuma saniatigut tamanna upalungaarsimanermut Namminersorlutik Oqartussat pisussaaffigisariaqagaanut tunngatillugu aningaasartuuteqarnerulersitsisinnaavoq, tassami sulisut ulloq sulinnigiffeqarfiani suliartoqquneqassappata, pisortat nalinginnaasumik taakkununga aningaasarsiaqartitsisussaassapput. Tamanna pineqartup sulliviani pingaartunut aaqqissuussinerup nalinginnaasup ilaatut pisimangippat.

3) Pisortatigoortumik ullorsiorfiusuni sulinnigiffeqartoqartillugu namminersortunut ulloq ilivitsaq, ullorluunniit affaq qanoq aningaasatigut naleqartarpa?

Akissut:

”Pinngitsaaliissummik” sulinnigiffeqarfissamik atuutsitsisoqalissappat, inuussutissarsiornermut namminersortut, pisortani pisartutuulli, immikkut aningaasartuuteqartalissapput. Sulisut aningaasarsiaqarlutik sulinnigiffeqarsinnaatitaanersut, aammalu ullormi sulinnigiffeqarfiusumi sulinerup malitsigisaanik immikkut aningaasarsiaqartitsilluni sulisunik aggersaanissaq pisariaqarnersoq, apeqqutaallutik aningaasartuutit nikerartussaapput.

Taamatutaaq sulisitsisup namminersortut ulloq tamaat imaluunniit ullup affaa suliffissanik annaasaqassapput.

Inussiarnersumik inuulluaqqusillunga


Hans Enoksen

INUIT ATAQATIGIIT

Inatsisartuni



Aasiaat 12. januar 2018

Inatsisartut Suleriaasianni § 37 imm. 1 naapertorlugu Naalackersuisunut apeqqtut imaattoq matumuuna saqqummiuppara.

Naalackersuisunut apeqqtut:

- 1. Pisortatigoortumik ullorsiorfiusut sulinngiffiusinnaasartullu sulisitsisunit kikkunnit malinneqartussaataappat? Inuillu sulinngiffeqarnissartik qanoq qulakkeerniarsinnaavaat? Pisortani namminersortuniluunniit suligunik.**
- 2. Pisortatigoortumik ullorsiorfiusuni sulinngiffeqartoqartillugu Namminersorlutik oqartussanut, kommuninullu ulloq ilivitsoq, ullorluunniit affaq qanoq aningaasatigut naleqartarpa?**
- 3. Pisortatigoortumik ullorsiorfiusuni sulinngiffeqartoqartillugu namminersortunut ulloq ilivitsoq, ullorluunniit affaq qanoq aningaasatigut naleqartarpa?**

(Inatsisartuni ilaasortaq Peter Olsen, Inuit Ataqatigiit)

Tunggavilersuut:

Pisortatigoortumik ullorsiorfiusartut nammineerluta kalaallit pigisatsinni eqqaasinnaasarput tassaavoq inuiattut ullorsiornerput junip 21-ani, tassa ullortuneq. Pisortatigoortuusunik ullorsiornerit kikkunnut atuuttarnersut kikkunnillu malinneqartussaansut paaserusunnarpoq.

Kiisalu pisortat suliffeqarfiinut aammalu namminersorlutik suliffeqarfiutilinnut pisortatigoortumik ullorsiorfiusartut aningaasaqarnikkut qanoq kinguneqartarnersut paaserusunnarpoq, ullup affaannaappat ullorluunniit ilivitsoq ullorsiorfiugaangat.

Qinnutigissavara apeqquteqaatima ullut suliffiusut qulit iluanni akineqarumaartut.